



Komunikadu Imprensa

3/12/2012

JSMP Kontinua Hala'ó Treinamentu ba Estudante Eskola Sekundária Públiku Palaban iha Distritu Oecussi

Iha 20 Novembru 2012, JSMP liu husi nia Unidade Assisténsia Legál ba vítima ka *Victim Support Service* (VSS) hala'ó treinamentu ba estudante Eskola Sekundária Públiku Palaban iha Distritu Oecussi. Partisipante sira hamutuk ema 34 kompostu husi feto nain 21 no mane 13.

Matéria treinamentu ne'e kobre kona-bá Kódigu Penál no Kódigu Prosesu Penál husi perspetiva vítima violénsia bazéia ba jenéru, inklu Lei Kontra Violénsia Doméstika. Aliende ne'e, introduz mós kona-bá Konvensaun Internasional sira hanesan CEDAW, Konvensaun Direitu ba Labarik nian, nomos prinsípiu fundamental sira ne'ebé garante Estadu Direitu, igualdade jéneru, no direitus umanus husi Konstituisaun Repúblika Demokrátika Timor Leste nian.

Luis de Oliveira Sampaio, diretór ezekutivu JSMP nian, iha nia servisu fatin hato'o katak : *"Treinamentu ne'e ho objektivu atu hasa'e koñesimentu estudante sira nian, nomos hanesan matéria adisional ba esutdante sira atu bele kumprinde kona-bá lalaok sistema justisa formal iha Timor Leste, inklui hanesan mata dalan ba estudante sira ne'ebé hakarak atu kontinua ba iha Faculdade Direitu iha Universidade iha futuro"*.

Iha parte seluk, **Inacio T. Hermengildo da Costa**, Diretór Eskola Sekundária Públiku ne'e, apresia teb-tebes ho prezensa JSMP ne'ebé maka bele fahe ona informasaun ba estudante sira atu nune'e sira bele kumprinde diak liu tan lalaok sistema justisa formal iha Timor Leste. Aleinde ne'e nia sujere ba JSMP atu bele kontinua fasilita nafatin treinamentu ba estudante sira iha tempu futuro mai.

Iha prosesu ne'e JSMP nota katak, Estudante sira antusiasmu maka'as hodi rona informasaun husi fasilitador, tanbá treinamnetu refere foin dahuluk sira hetan, aliende ne'e estudante sira mos ativu teb-tebes hodi halo diskusaun durante prosesu treinamnetu nia laran.

JSMP iha esperansa bo'ot katak ho treinamnetu hirak ne'e bele aumenta diak liu tan koñesimentu no bele hasa'e kapasidade estudante atu nune'e sira mos bele kontribui ba iha setór justisa.

Treinamentu ne'e realiza tanbá hetan apoiu finaseiru husi UNFPA.

Atu hetan informasaun kle'an liu tan favor kontaktu:

Luis de Oliveira Sampaio

Diretór Ezekutivu JSMP

luis@jsmp.minihub.org

Telefone: 3323883 | 77295795

Info@jsmp.minihub.org

www.jsmp.minihub.org